

3655

4072

4072

2898 47
EPITHALAMIVM

Illustris & Magnifici Domini,

D. ALEXANDRI

NICOLAI

DESTEMBERK

KOSTKA

S.R. M. AVLICI CVBICVLARII:

NEC NON

Illustris & Magnificæ Dominæ,

D. SOPHIÆ THERESIÆ

DE PRZYIMA

PRZYIEMSKA

Illustrissimi ac Magnifici Domini

D. Albrachti De Przyima Przyiemski Castellani
Gnesnënsis Filia &c.

PER

A. R. N. C. P. *pro solenni Nuptiarum festiuitate.*

Obsequiosæ Gratulationis ergò

EXHIBITVM

Anno Domini M. DC XL. II.

POSNANIÆ,



IN ARMA

Illustris & Magnifici Domini!
D. Alexandri Nicolai de Stemberk Kostka S. R. M.
Aulici Cubicularij &c.



Bellerophontæam soleam, quæ cernis & Alam
 Gorgonæam, numquid stemmata tanta stupeſ?
 Tolle magis mentem, magis inde stupebis; in hoſte.
 Vngula bella, cruceſ: Ala, reſert meritum.
 Bella veliſ? quando maduiffe cruore licebat
 Pro patriâ, gentem hanc bella, adyſſe ſcias.
 Nomina de Roſtkow primæuâ ab origine namque
 Heroes iſti, marte petita legunt.
 Iamq; cruceſ veliſ? exemplo ſit Koſtka beatus,
 Qui cruce nouit adhuc monſtra domare puer.
 Hæc crucibus munita domus formidabiliſ hoſti eſt,
 Singula bella cadunt vi ſuperata cruciſ.
 Iamq; veliſ meritum? numera per Auoſ, Atauoſuè
 Quos manet æuigenæ poſteritatiſ honoſ.
 Plura veliſ! quâ eſt ductuſ ad æthera Pegauſ ala.
 Hac ſtirps ſe in meritiſ tollit in aſtra ſuiſ.
 Plura audi; ſoleæ, crucibuſ, coniungitur alæ
 Virgo, vſuſq; duplex: tot bona neſcit hymen?
 Nempè vt nexa vlmo uitit maiore viſcit
 Fructu: ita ſtirps nexu hoc pluſ dabit aucta boni.

INSTEMMA

*Illustris & Magnifica Domina,
D. Sophia Theresia de Przyimá Przyiemska,
Illustrissimi & Magnifici Domini D. Albrachti de
Przyimá Przyiemski Castellani Gnesnensis Filia,
sponsa lectissima &c. &c.*



IN labyrinthis quod suam occiderit antris,
Pasiphaë sobolem Theseus arte tuam.
Theseus hinc mundum æternâ virtute coronat,
Dicit ab hoc victas posthuma fama feras.
Virgo vrsos nouit, diros prosternere & hostes,
Consilijs faciens tuta duella suis.
Inde suæ genti, vt fortes Bellona Camillos
Ex Ariadnæo sydere nata; creat.
Inde Palatinos humeris vectura curules
Laude vicens gessit, tùm valitura geret.
Latius hinc illi quô sarmata steterit usq̃;
Solque polos obeat: fama loquetur Io.
Hinc illi melior seruatur in axe supernô
Gestorum è meritis facta corolla suis.
Thesea seruârit si quondam Ariadna Virago
Numquid in adversis porriget illa manus?
Porrigit expansas bone sponse accurre, fideles
Dulce manus spondent pignus amicitia.
Sponsa præt tua tantum alias in laude, in honore,
Sponse alios quantum stirpe, decore, prætis.

Natura hac periodo machinata est, seu potius primus ille & Maximus Deus fecit, vt honorabile Coniugium opem sibi mutuo ferat, Vir fortunarum ac sacrorum socius, domus sit Dominus; mulier custos & administratrix, velut columna aurea super bases argenteas: non auri, non divitiarum tantæ sunt excellentiæ, quanta viri boni, & piæ mulieris excellentia est, concors conjunctio, &c.



A D

ILLVSTREM AC MAGNIFICVM DOMINVM.
DOMINVM

ALEXANDRVM

NICOLAVM

DE STEMBERK

KOSTKA

S. R. M. Aulicum Cubicularium:

nec non ad

ILLVSTREM AC MAGNIFICAM DOMINAM
DOMINAM

SOPHIAM

THERESIAM

DE PRZYIMA

PRZYIEMSKA.

Felices coniuges.

PROPHASIS.

Qui sim, cur vultus ausimq; accedere vestros.
Si me, Connubium nobile, forte stupes?
Effabor paucis: ego proximus accola Varthæ
Promit ubi fluvios, Posna meantis aque.
Transieram dum nuper, nec non littora oberrans,
Exigeram tacitis plurima quaq; modis,
Concitus à tergo commouerat æthera clamor,
Letitiæ clamor gaudia iusta ferens.
Respexi, mecum reputans quid talia ferrent;
Mens turbata fuit, tanta at adacta sequi est.

*Insequor, attonitâ vocum dulcedine captus,
In partes verti lumen verumq; meum.
Inde nouem Nymphas redimitas. symmate; Ductor
Nescio quis, faciem constitit ante meam.
Os humerosque DEo similis, cultumq; nitentem
Crediderim similem posse decere IOVEM.
Huic roseo viridis vernabat in ore Iuuentus,
Ornabant pexas mollia ferta comas.
Alcidem Paphio peperit sub vertice quondam
Ipsa Venus talem, qualis & iste fuit.
Cinctus enim pharetris, volitando per aëra, laud
Ad me deproperans insidiosus, ait.
Ferreus est quem non delectant gaudia nostra,
Ferreus haud fuerit quem mea tela petens.
Scio meis iaculis ego dura infringere corda.
Devinco magnos paruos amore viros.
Obstupui, cohibens tacito miranda stupore,
Audui comites huius & ista loqui.
Audiui Nymphas, inquam, resonare hymenaeos.
Ceperunt hymen dicere, semper hymen;
Quero quid hoc? dicunt est res gratissima nobis:
Tu modo dic hymen, tu quoq; gratus eris.
Sic ubi me, tanto stimularint flamine Nymphæ,
Narrantes thalamos, exagitando faces.
Illustres thalamos, duo quorum fœdere in uno,
Languentur gentis lumina Sarmaticæ.
Illustresq; faces quarum firmissimus ardor,
Vnit honore duas, vnit amore domos.
Promptus in obsequium Vârthæ salientis ad undas,
Nympharum capi sollicitare cheros.
Nunc mihi nunc dixi grauior consurgit honorum
Materies, vestram suppeditare chelym.
Accipe dixerunt meditatam à Pallade carmen,
Offer cuniugio, dic opus esse DEæ.
Nec dubites vinces multorum munera vatium.
Aurea, non Vates sis licet ipse ferens.
Adfero; vos quorum lætas præsentia tædas
Efficit, ac fausto ditæe honore torum.
Sumite deductas vos in noua gaudia chordas.
Haudq; meum versum despicitote rudem.
Sumito Sponse inter Sponsos lætissime carmen,
Quod mihi Pegasidum turba Novenna dedit.
Sumito Sponsa inter Sponsas lætissima carmen,
Quod mihi de Nymphis Vârthæ turba dedit.*

HYMENÆVS

Qui subeant cultos thalamos, quo carmine tædas
Excipere Heroum, quantasquè adiungere pompas
Conueniat; quæ gesta manent, quod nomen honorum
Sit proavo, atquè atauo, quæ fama nepotibus ipsis:
Iam canere incipio. Docta pro Pallade diua,
Inst rue sola lyram, fontes vatumquè ministra
Calliope; longo nimium nec tempore differ.
Phæbe tace, veteres leges certare lubentes
Pro tædis, spretas nec non pro coniuge Nymphas,
Quæsitosq; procis thalamos discrimine lethi:
Non nobis horum ter trino pollice chordas.
Pulset ebur, mutanda nouo sunt barbita Phæbo,
Fasue toros alios, alias accedere gentes.
Non ego Scipiadas, Fabios, non mænia Thebis,
Mænia Septenis Regum non pervia castris,
Quæ struxisse ferunt animantem Amphiona cantu:
Non Lagidas, Non Cecropidas, non gesta Titorum,
Fabricios què meâ claros parnasside dicam:
Kostkalidum, Przijemsciadum prætexere versu
Connubium, & maiore reuinctas fœdere dextras
Aggredior. Cui sunt ô tu DEus Hymena curæ,
Lætus hymen, Hymenæe hymen. Hymenæe faueto,
Pegasidum de fonte bibam tunc carmina mille,
Mille fluent versus, pauidis adlabere cæptis.

Tuquè adèo diuorum aulæ sacer Aulice Kostka
Stanefilæe, tuæ stirpi deponere conor
Obsequium, tua sarmaticis heroa sub oris
Nomina, depropero venerari poplite postquam
Supplice; fortunare tuo digneris honori
Agrestiq; meo precor, ô spes magna, labori
Sint faciles aditus, sic per te assuesce vocari,
Sydereo placatum numen in æthere Diuum,

Sydereo Tutelaris super æthere Cultor,
Sic feropem, intentiquè sitim felicibus exple
Auspicijs, superùm nitidæ quem maximus aulæ
Regnator cœli penetralibus indidit altis.

Fortè diem niueis lux rectè enixa quadrigis,
Vexerat optatas depletâ lampade tædas.
Tunc, cùm Varthifluæconjux Vulcania ripæ
Affulgens, defessa suam per membra quietem
Carpebat: circumquè cohors pharetrata sonanti
Littore ludebat, subitis què per aëra pennis:
Certarunt alij, volucrem emisère sagittam
Arcubus atq; alij, gracili qui ignobile vulgus
Arte ferire solent, Nympharum animosa propago:
Vnus at aurato cui stat sub tegmine Chlæna,
Purpureusquè rubor faciem, cultumquè subornat
Corporis obrizum radians, cui lactea colla
Affulgent auro, fulgent garamantide gemmâ
Aures, igniuomiq; micant ex fronte Pyropi,
Ille micans, inquam, fulgenti arcuq; superbus
Succiduo saltu sublatus in aëra, gyros
Efficit obliquos, cunctos his vocibus vltro
Compellans: socij chari, charaq; sorores?
Blandus hymen, tum blandus amor, solenne trophæum
Extulit, & thalamos noster miratus Apollo
Exornare jubet, jam tota cohors Helicone relicto,
Iuit in obsequium, mecum attractate cothurnos;
Kostkalidæ generosa datur Przyiemscia Virgo,
Magnificus Przyiemscianæ fit Kostka maritus:
Ille etiam nostræ præluxit in ordine pubis,
Illa etiam nostræ flos est ex ordine pubis,
Hic mansueta pius curarum munera obibat,
Hæc mansueta pijs tractabat munerâ curis.
In Lædæâ nostrum cultor vterque palæstra;
Blandula vos igitur properate ad gaudia mecum.
Ludite Varthigenæ nova gaudia, ludite Nymphæ,
Si decus

Si decus, & lucem claræ probitatis, & almas
Ingenij dotes, teneræ ac cunabula vitæ,
Quis spectare volet, genus, aut quæ copia laudum
Exornet patrios ferro quæsitæ penates,
Qui tituli? seu quæ magnarum gloria rerum?
Obtutum rapient famosis cuncta triumphis.
Si maiorum enses toties ex cæde cruentos,
In causâ patriæ, libertatisque tuendæ,
Aut quod si extensa nomen virtute paratum
Scire libet; reticere venit de stirpe profectum
Heroum nusquam satis enerrabile nomen:
Quod tantum extendunt in famam laudis avitam,
Quantum Aquila attolit se pennis ardua cœlo.
Nil moror, an ne tuam non calla in vota vocatam
Gentem, quæ proavis non degener inclyta floret,
Sponse tacebo à clarâ martis origine ductam?
Sit mihi fas tua gesta loqui, nam pace reductâ,
Tu licet exarmes Lechos fortissime miles,
Martia quos proavorum virtus servat ab hoste;
Es armatus adhuc? animo cui insedit anhelus
Kostkalidum vetus ille gravi in certamine mauors,
Prisca fides, probitas, quem vestra experta sagitta est,
Per proavos, atavos, inimico infixâ lacerto.
Nam veluti rupis præceps de vertice saxum,
Cum ruit auulsum, nymbo quod defluus imber
Rumpit,, & annorum frangit diuturna vetustas:
Fertur in abruptum rupes crepulo improba tactu,
Exultatque solo, sylvas, armenta, virosque
Inuoluens secum: sic fusa per agmina miles
IACZVINGVS, postquam Lechis infensus atroxque
Hostis, in arma ruens certatim inuaserat oras
Sarmaticas, densisque fuit Mazouia turmis
Consternata, salus pressit luctu Oppida Przasnis,
Ac conuersa manens inimica in prælia, plenos
Spe lussit peditum, atque equitum sauo agmine campos:

Strenuus hic medias acies audace ruentes
 Pectore, non mortem, non vulnus triste pauescens,
 Ad decus, & pacem cum libertate tuendam,
 Pribyslaus adiungens primæuā ab origine primus
 Kostkalidum generosæ gentis, in arma Dynastas
 Inuocat audaces animo, simul incipit atque,
 Intèr eos cello medius stans aggere fari.
 Heu mihi? quid tanto turbatur Sarmata ab hoste,
 Quæ nostras vulgatur luctus fama per oras?
 Hostis adest, iusta sine causâ bella mouentur.
 Causam hodie Procères, mæstum belli quæ furor
 Eruam, & hostiles acies ludibria nostris
 Efficiam crudeli cæde rubentia in agris.
 Quæcunquæ est, fortuna mea est; me saucius vnum
 Pro patriâ luere, & ferro decernere præstat,
 Morte pati quod dura dabit fortuna, morabor
 Nil conferre manus, patiar sed quicquid acerbi est:
 Qualibus edictis mox se concredidit armis,
 Per quæ hostes, per tela, per obuia fata volanti
 Accurrunt Procères, hic primus tentat arenam,
 Non secus ac veluti Boreæ cum spiritus alto
 Aegæo resonat, sequitur quæ in littora fluctus,
 Quæ venti incubuere, fugam dant nubila cælo;
 IACZVINGORVM huic quanta fremens secat agmina cedunt,
 Dant quæ fugam. Incumbente igitur discrimine rerum,
 Seruârit patriam quod amans, probitate fide quæ,
 Pribyslaus ab hoste refert monumenta trophæi;
 Pro galeâ, clypeo, à patriâ fert stemmata stirpi
 Nata: Palatino regni dotatus honore.
 Qualia abinde creet patrio gens fulcra penati,
 Quam gratos habeat quæ in præmia larga nepotes,
 Quos omnes amor vnus habet pugnare lubentes
 Pro patriâ, quibus impauidi vaga sydera Martis,
 Armifonos animos, bellis inuisa quæ corda
 Contulerunt, diuûm imposuere ac nomen ab armis,

Per

Per similes atavis; taceo. Tu CULMA Polonas
Inter honore decora vrbes experta fuisti
Hoc genus antiquum, cuius tibi cognita virtus,
O quoties fatêare tuo benè cessit honori?
Siue etenim dicas Mitràquê, Pedoque coruscos
Mystras, Præsuleis pulchrè fulsisse Tiaris
Augustâ grauitate tuis, quos monstra nefandæ
Hæresis ad nigras stygiæ fuliginis vmbras
Sacrificâ pietate timent proscripta: Dynastes
Imperio frænare malos, cui magna potestas
Cædibus in luxu tumidasque fugare Mephites,
Non ne tibi affulsit defensor amænus, aceruè
Ingenio, plenusuè sagaci lumine KOSTKA
PETRVS? Apostolici firmissima petra manipuli.

Siue viros dicas felicia regna fideles
Qui tua CULMA, sub aduersis rebusque secundis,
Consilio, atque animi decorarint viribus altis
STANESILAVS erit laudatum, (SVCCAMERARIVS ille)
Kostka tuum Decus? hunc nusquam reticere fidelem
Annales poterunt, nusquam felicius ullum
Imperitalse flagranti tam regimine dices.

Siue Palatinos numeres, feralibus urnis
Exime Ioannem, viuacibus ardua virtus
Quem colit officijs Kostkarum è sanguine cretum.
Huic flexura caput debes parere libentèr
Culma, tuo sæclo iam declinante leuatus
Ad veterum decus heroum fac laude feratur,
Ipsa tua hoc pietas ex te, hoc hortatur amorque,
Ad nostra vt veniat nostris propria diebus
Lumina, quem æther habet tranquillâ pace fruentem,
Prætereo plures, nostri nihil oris egentes,
Kostkalidas, aduerto solum heroibus ortum
Esse nefas omittere Kostkâm gentis ejusdem
Ioannem celebri hoc de nomine iamque secundum,
Quem (viguit quantis) Tu Sendomiria factis,

Ipsa Palatinum ipsa tuum tot conscia honorum;
Candidatum priscis Lechorum annalibus inter
Auricomos reges memora, sit cognitus omni,
Accitus merito; Procerum & voto, ordini in ampla
Regna Polonorum Regum viduata relecto.
Hic ille Alcides, illa hæc tum maxima gentis
Gloria Sarmaticæ, & magni pars ampla Senatus:
Robur in hoc etenim, tum audacia corda referre,
Pacis & armorum studium, solers & acuta
Consilium mentis, magnarum iniuria magna
Virtutum fuerit; Quærat quem evoluere priscos
Non piget annales, quantum non inclytus Heros:
Hic alios anteire Atauos, ac surgere in horas
Cernitur, antiquos animoque æquasse Latinos
Qui Romam eximijs exornauere htopæis,
Viuit in hoc Cocles, viuit Cato, viuit & Hector
Solut Alexandrum pœnum qui posset acutis
Vincere consilijs & viribus Hectora firmis.

Non huius memoro patrio de stemmate fratrem
Christophorum, taceo trino cognomine Kostkam
Ioannem, solita famâ super æthera natos
Quippe licet se dissimulent, nec honore superbi
Stirpis in alta suæ veniant præconia laudum
Ille Palatina, hic Castellana, in clyta facta
Stabit adusque orbis, nullo labantia fato,
Immoritura inserta legent duo lumina famæ?
Quæ gestis alias antè Heroum præconcita cursu,
Felix currit in Antiqua & nova Sæcla suorum,
Non hic Præsuleas plures revocabo curules,
Non plures iam iam gentis memorabo Dynastas,
Tales quippe graves tranquillâ in pace Quirites
Magnificos videre Numas, pietate regentes
Romanos rerum Dominos, populumque Togatum:
Quales si memorem Kostkas, vel sanguine Kostkis
Obstrictos memorare licet cognatâ ab origine plures.

In causâ genus est: cognatos sanguine ab uno
 Tot numero, numero proles quot ab Alite Phæbi.
 Tarnouios, Sieniauiadas felicibus armis
 Et famâ insignes, æquo hisque decore nitentes
 Chmlecios, Sieniesciadas, Ociesciadasque,
 Wolsciadas, Iazlouicios, septem Herculis ætas
 Has stirpes stupuit domui renitere paternæ;
 Vt liquido stellas septenâ Plaiadæ calo,
 Romulidasque velut vidit, quæis (littoræ tanquàm)
 Imperium Lechi sub pace potente tuetur.
 Prætereo, astrictos istis Heroibus, & vos
 Rozdrazouiadas Lybicos Regni huius Achilles.
 Vos & Opalinios, decus immortale Polonis,
 Quo dum Phæbus obit perlustrans lumine terras,
 Iudice vel mundo non clarius aspicit vllum.
 Hinc me dum innumeros prætendo stirpis Orestes,
 Mens revocat capti iam penè oblita laboris
 Ad Diuos: veniens tu diue ab origine gentis
 Kostka, tuum genus ipse satus quo es sanguine profer,
 Centum Oratores augustâ Palladæ plenis
 Vbertas omni græcò quæ præfidet orbi,
 Et quæ olim Latijs decreta est gloria linguae:
 Cuncta tuæ svadæ iam sunt subiecta loquendi.
 Alloquere ex cælis facundo nectaris ore,
 Incola quo in terris tetricos recreare, feroces
 Vel animos poteras, vel flectere saxa.
 Alloquere Aligeros, rutilo ipsum & ab axe Tonantem.
 Qui lapsos poteras mellitâ educere voce
 Cumque illis blandum eloquiij decidere lusum:
 Dic? qui proficuas de pingui epifimate dotes
 Accumulat? laribus vestris quæ est dedita fama,
 Qui pater, vnde domo, pacem ne hinc fertis an arma?
 Quæ cornu Cyprio fulget fortuna, precamur
 Prodeat in lucem nullis abolenda diebus

Indiga non laudis, nulli à nullâ inuida forti.
Ecquis enim dubitet genus hoc succedere vobis ?
Iam bene de terris, charâ patriâque mereri :
Iam nifum ad laudem duro imperterrita cliuo.
Nomina prendentes Tigeos generare Dynastas ?
Non gazæ fructus memoro, monumenta petuntur,
Vitæ & factorum promam simulachra tuorum.

Pauit apum cætus collecto melle Platonem,
In cunis recubo vetuit cui Thuscus aruspex
Fortunate puer sonus infit melleus olim
Ibit ab ore tuo, vinctus hoc Orphea : tantum aſt
Quid tibi blandiris de nomine & omine mellis
Parue Plato ? Aligerum legio de ſydere lapſa,
O gracilem toties Diuino neſtare Koſtkam
Si pauit, quis erit mel cuius in ore Deorum ?
Vix hunc vidit humus, patulus vix vidit & orbis,
Iam pietate Deum, Diuos, Matremque Tonantis,
Ad ſua vota vocans in eum deduxit amorem,
Vt veneranda parens ſacro redimita nitore,
In pia lactantem porrexerit oscula gnatum,
Koſtkæ IESVM gremio oblatura puellum.
Quem modo demulcens manuum poppyſmate crebro,
Collifisq; genis modo dulcem amplexus IESVM
Molliculos puer à puero libauit amores.
Sic ſemel, vt tactus diuino ſpiritus æſtu,
Iuniperus veluti nunquam cedrata ſenilem
Vel patitur cariem, tineas vel ſentit inertes,
Koſtkæ ne imbutus volucer quoque ſpiritus almi
Succo animus, labem petulantis ſentiat orbis:
Culparum grauium tineis obnoxius vllis.
Vixit ! at incertum fuerit ; num has inter opimas
Delicias mundi humano ſub corpore clauſus
Vixerit : abſtractus num, vero à corpore ſanctus.
Sed prius Herculei Titanea ſydera monſtri
Proxima ſolſtitio Domus edita, tum loca olympi,
Diffune

Diffundent terris hyemes glacialibus Euris
Ac ego Kostkalidæ enumerem pia stamina vitæ;
Differimus: saltem aut veniā patiente morabor
Vos fratres geminos viuax Patriæ in clementum,
Post Patris & Patruī mortem, duo pignora gentis:
Vos quis non videat ferri in vestigia laudis
Magnificæ? quorum virtus menti alta reledit,
Multus honorq; animo, patrijs successibus ætas
Culta, præire suis cum cæpit moribus annos.
Vt, licet ex amplo primordia candida nisu
Sumatis; maiore tamen splendore ferantur
Stemmata, conspicuos per vos progressa Nepotes.
Non taceo fortes Belgas, nec Iberica regna,
Non Francos, non Italiæ, non Theutonis oras,
Quas stimulo ardenti tantæ virtutis adistis,
Spectantes acies didicistis prælia inire,
Vt si quando instarent aspera fata Polono.
Vnanimes crudos subeatis, eatis in hostes,
Præmiferi & tandem spolijs redeatis onusti.
Sic vos lauta manent sic præmia lauti & honores,
Conferet hos vobis Rex optimus; offeret inde
Imo Quirinales fasces magnumque senatum

Et tu Sponse quidem in tantis pulcerrime donis.
Cuius in ingenio robur, prudentia factis,
Qua super ætatem vigilantibus, ardua curis
Expedis, arguto decernens singula sensu.
Dum potes armato sectari pallada campo,
Si Placido velles inflectere pectora motu
Dum potes, vltro fores cui non optabilis inde?
Iam digno generosa tuo iungenda marito
Sponsula crede auspicijs; optabilis omni
Sponsus adest, tibi nec non hic optabilis ipsi,
Vir tibi nobilitas major, potiorq; priori
Conditio virtute iuuat non sanguine niti.

Quam domus egregiâ pietate insignia serues,
 Splendores animi, Diuinaque dona nitore
 Quanta tuo quem candor habet, contexta serenant;
 Quis capiet? qua vel virtute est Sponsa venustans?
 Inspice huc genas Sponse, est pudibunda puella.
 Cella venustantis species est frontis, amano
 Cuius in ore vigor, viridisque ardore iuuentæ
 Maturi grauitas æui firmatur, & ætas
 Cana suis prodit seros insignibus annos..
 Inspice seu robur mentis, generosa luditha est.
 Est constans animo, rapido non flectitur æstu:
 Non ætate labat, facundat mente sagaci.
 Inspice clementem aut animum, est placabilis Esther,
 Non tristes inflans animos humor æstuat illi.
 Sed velut amplifico formosa vireta colore,
 Annua cum referunt, redeuntia gaudia Tempe,
 In noua corripunt faciles miracula mentes,
 Dum producit humus facundum Dædula gramen.
 Pandit Amyclides oculis titubantibus Hyblas:
 Sponsa suo talis virtutum est splendida luxu.
 Inspice seu Patrum titulos Przyiemscia nata est,
 More patrum præstans hæc spes est maxima genti.
 Inspice stirpis Auos, Proauos, Atauos, Abauosq;
 Illa Palatino circumuallata senatu,
 Illa suis meritis trabeas ductura Curules
 Stirps creat Heroes celebres: Heroibus ortos
 Tot, Scythicas Lybiæ generant quot flumina gemmas

Vos ego sydereæ vicina Erymantidos Vrsæ
 Pergama Sarmaticæ terræ CALISIA testor.
 Albertos grauitate graues, dociliq; serenos
 Dexteritate Palatinos, vidistis et acres
 Arbitrijs Przyiemsciadum de sanguine gnatos
 Qui vobis viuunt, numerosa in laudeq; florent,
 Prudens vt Salomon, non infima lux vt Horati:
 Quos

Quos (rarum ut decus aut eo pulchrius) orbis adorat.
Cur fileam Raphaël tua Castellana relata
In sobolem suggesta tuam? iactabit Aletham
Troia suum, Przyemściadas Lancicia iactet.
Vosque Stanislaus duo sidera stirpis eadem,
Quos habet innumeræ spaciū virtutis, egone
Metiar? eximius Macedo quidcunq; decoris
Nactus, & ingenio quidcunq; Lycurgus honoris,
Quicquid splendoris peperit Bellona Philippo;
(Fortunam ambo) in vos hæc fastigia, laudum
In vestrum genus hæc eademque trophæa redundant.
Laudet Alexandrum sua gens crudelibus armis
Sub iuga tracta, ducem belli, regniq; Monarcham:
Posna tuum Przyemścianium de stirpe supremum
Qui mihi possessa manu tua regna gubernat,
Laudibus, encomio, magnum virtutibus effert;
Lux generi, iudex causis, Patriæque Senator
Floreat, huic similem nunquam memorabis Alumnum.

Quin repetam præconia vis Stanislæe secunde
Nomine, re potius geminæ virtutis imago.
Nunc repeto; Stephane armipotens, auguste potensue
Marte, Polonorum vos diu ignoscite Reges,
In mea quam de urnis vestalibus eximo vota
Ferte fidem: Przyemściadum Mauortius Heros
Qua virtute fidem, quali probitateque dextras
Præstitit in Molchos suscepta Martis arenâ.

Scilicet huic probitas, victoria, prisca fidesque,
In quantum cessit; patriam victore potitam
Victorem referentem audite o mentibus æquis.
Te tandem, mea quem spatijs prioribus ætas
Viderat arma inter, gladios interque furem,
Contigit ut videam spolijs hostilibus auctum;
Sic ne meis per te quæsitæ est gloria rebus?
Quæ tibi digna viro celebri pro talibus ausis
Præmia posse reat solui? dent calica primum
Dij: Proceres regni, Diuus tum cætera reddet

Rex

Rex Stephanus, Rex cætera reddet & integer æui
Augustus, meriti tanti non immemor vsquam.
Tu pater at Sponsæ in tantâ hæc si sorte serenat
Sufficiens quis exit virtutum præco tuarum?
Nobilitas mentis, Decor, Excellentia, robur
Iudicij solers, grauis & prudentia rerum.
Inte cuncta tuo toties exercita fulgent
Ingenio, est bonitas animo, candorq; benignus.
Non alto simulata gradu, non imbroba gestu,
Ast clara innatisque tuis virtutibus ampla
Est tibi strenuitas: patruæ tum cura Salutis.
Scis leges patruas defendere, scisque tueri
Acta fideliter in dubijs agitata procellis:
Iustitiæ fortis, tum recti est arbiter æquus,
Si verò aut opus est æquo, scis nullius vsquam
Infecti suasu, at verum præponere honestum,
Posset ab incæpto reuocari Cynthia cursu
Credo prius, quam tū diuelli iustus ab æquo.
Hinc gratus sis quantum munia publica norunt,
Rostra sciunt, quam mirifico comitia honore
Nuntius expedias, obeasque in laude stupendus.
Verum aliud vobis quid vestra in stemmate virgo
Contulit? Astræam hanc reor in subsellia natam,
Inque malos duram, inque bonos pro sorte benignam.
Prodam equidè: Phrygiâ hanc cognomine dixero matrè.
Sustinet hæc humeris orbem Berecynthia, cuius
Turritum Dominæ currum subiere leones,
Dente auido domiti spumantia fræna prementes,
Iustitiæ, pænæ, est scelerum hæc Rhamnusia vindex.
Innuat imperium vlto fræna iugo concordia ferre.
Vestra triumphatrix, virgo domitrixque ferarum,
Vrsis nunquid ouat vexillis tumque potita,
Explicat illa manus faciles, operumque ministras,
Auxilium latura & opem misero obuiat omni,
Promptus amor, vigil huic est tum quoq; cura suorum,
Integritas simul, atque animus quæritor honesti

Proui-

107
Prouida sollicitis semper tutela salusque,
Anchora, quod nautis: hæc dum Respublica pressa
Fluctuat, innumerisque agitur circumicta procellis
Optima spes patriæ, populo est: illa illa senatus
Vindex, illa fori, legum, ritusque togæque.
Produm ultro? nihil est cur quis miretur adactos
Quod virgo bonitate, iugali in fœdere nectat
Et Grudzinsciadas, & Opalinos sibi in vnum.
Hi sunt à magnis, magnis Heroibus orta hæc,
Hi faciles, placidi; placida hæc, tùm virgo benigna est.
Viribus hi præstant, pollent & acumine mentis,
Si linguam cauis acuis, si Ciuica iura,
Respondere paras, reperis fandique peritos.
Sunt vires huic, mulrarum ac industria rerum,
Æacidæ validis est illa potentior armis,
Mens animo, manus atque habili coniungitur Ensi,
Consilium auxilio, tibi non sit copula mira hæc:
Sic hos nobilitas, generosaque nomina tangunt
Sic hos vnus honor, sic vnus, nectit amorque.
Porridge virgo manus per mutua vincla, Adamante
Astringe Heroes tibi, sint hi, cuncti Adamantes
Æreus absque his est regni, cum his aureus orbis,
Aurea sæcla fluunt in laude nitentia eorum.
Siue Senatorum sanctos spectabis honores,
Siue Palatinos per fortia gesta maniplos,
Siue voles Patriam hos feliciter imperitantes
Arsacidæ vincunt, Decios splendoribus æquant
Stirpis abundanter clarâ virtute corusci.

Sic gnatam Illustri genere, dignisque hymenæis,
Da focer, & stirpes æterno fœdere iunge:
Nuptam habeat nuptus se dignam, nupta maritum.
Clarus in obsequium specioso lumine Titan
Prodit, & aurifero cæli splendore serenant,
Lætitiâ exundant ac sese hortantur Apollo,
Nymphæque, vnanimis statuunt cultû intra tecta paratum
Blandus amor, pietas, prudentia, paxque, Dearum

Hæc quæque officij pridem benè conscia; promptim
Effundunt gracili conuiuia pinguia luxu.
Exornat Sponsam primum concordia, pulchra
Veste data à Sponso, baccato tumque morili,
Murice, & obrizo rutilans vt fulgeat auro,
Concordesque ingenti animo depromat amores.
Deinde laboratas quæ dant spectacula gemmas
Imponit digitis pietas, incenditur auro.
Sponsus, & inflexo flagrantia ferta coruscis
Floribus à Sponsâ intertexta ferens capiti aptat,
Sit pius vt concorsque animo: prudentia tandem
Iam dapibus mensas reficit; iam pocula miscet,
Assuescant vt, aget si quid fortuna sinistri
Siue bona adueniet, sint æmula stamina vitæ,
Hinc Paranympheus amor, strato discumbere in ostro,
Delicijs iubet, & dapibus se inferre, per annos
Connubio veniet quæ larga futuros
Sors, dat, aquas manibus, semoto ac munere fatur
Stans inter matrum innumeras nuruumq; cateruas,
O Fortunati thalami, multumque beati!
Illa ego sum cui posteritas ventura senectæ
Tempora dispensanda dedit, mihi tanta potestas,
Nempè serenata vt vultu fortuna benigno,
Vos, tædas hilaresque Hymenæus inornent,
Viuerè iucundum faciant tum suauitè æuum
Largior: alma Thetis, vos rustica numina Fauni
Suppeditate vagos lepores, capreasque sequaces;
Alituum pecudumque genus, ceruosque fugaces,
Da castas hymenææ faces, lege Gratia flores,
Floribus electis concordia necte corollas,
Cingite Varthigenæ spon sis his tempora Nymphæ:
Dicite Varthigenæ mea gaudia dicite Nymphæ
Amplifici crescant nupti, vigeantque perennes
Pinus vt assurgens super aëra crescit in annos,
De lumbis horum velut exoriuntur oliuæ
Kostkalidæ parui; materno è sanguine creti
Sic Przyemsciani nascantur tumque Nepotes.

ARBOR NVPTIALIS.

ALEXANDER SOPHIA
 ignis nuptus
 itum
 udx se ad
 er xis
 fter
 dinstar
 unc
 efensor
 rit
 egninunc
 col obit
 mnes
 ro patruo iure ibit in
 oster
 bit in
 rma
 nnos
 uppter
 is dntur nos
 er sobolem det vt
 rthem
 unpan
 chadum
 xudat
 onae aqua
 anba
 upis
 nne
 antho
 xhilans
 argē
 itigenis



INRAMIS INTEMPORE GERMINAVERINT:

Natura socio, morus & amula
Arbor populus in federe comparēs
Frondefcunt; acris bēmentis, edacishæ
Sunt tūm ſymbota temporis

Dum, ne algens Aquilo populeas comas
Pessundet, glaciali labe facilitet
Vel Mori paleam frigore : prouide
Certo in tempore germinant.

Sic palmis præcunt vberioribus
Sic plantas alias, ut minimas nimis
Procerè videas germine lentulo, in
Densam assurgere syluulam.

Sic plantas validis nexibus arduas
In frondente pares cortice, vertice
Sic alto sociare insimul arbores
Secum fœdera contigit.

Virtute ut similem, tum meritis parem
Hanc pollere Domum Heroibus, unico
In consortio vtriusq; cœnit, unicum
In cor subdere plurimos!

Fallax terra prius decipiet suo
Partu sedulum arantem, prius inquam equos
Sol magnos agitabit, citiusquè ver
Fallet garrula auis sono,

Quam virtutis amans vestra Domus (mori
Nusquàm digna Domus) sortis honoribus
His priuabitur, exinde beator
Vobisquæ fit amerior.

Sic concordibus ambæ resonant Ityn
Ales cantibus, ut vos duo furculi
Virtutum geminâ laude sonatis, in
Spem frondendo animosius.

Non vos Hydrus atrox, turbida non dies
Infestabit atras, vlla premet neque
Tam nymbose querela, ast radiabit in
Vos iucunda serenitas.

Pellucet probitas, grata modestia,
In vestris animis, mens oculis nitet
Illa hæc prouida rerum, in dubiis viis
Seduci inscia casibus.

Vt Mo:

*Vt Morus sapiens Populus vt virens
Vos hinc incolumes plantula amanula
Felices ter & hinc amplius aureis
Frondescetis amoribus*

*Quot frondes legit arbuscula pendulas
Vestro in nomine, tot vestra Dryas feret
Ex ramis Soboles tot dabit; assitas
Quot fert vimine litteras.*

*Quod si pro patriâ occumbere, vel DEI
Decreto, tenue vt concidit arborum
Auulsum folium, fors folij leues
Quis ramus subeat vices.*

*Vt quondam patulus denuo ramulus
Iunoni sacer accreuit, ita alter hic
Primo auulso aureus haud deficit, at viget
Par sub stipite Nobili.*

*Nam junxit Deus hoc federe quos semel
Jam nusquam vltima disiunxerit hos dies
HIS ARBOR SUPERVM HAEC EST SACRA : QVI LEGIS
LAEVO TANGE SOLVM GENV.*

*Dic mi Sponse diu dent tibi calites
Vt plenus meritis sydera visites,
Postquam Mathusalem sacula vixeris
Te album vertice videris.*

*Dic mi sponsula Bethlemyacas Magos
Sydus duxit ad aedes, regat & tuum
Cursum, qui generat nos precibus Deo
Sydus Kostkulus aureum.*

*Viuant ambo diu Kostkule coniuges
Fac patres videant progeniem senem,
Hac patres, sibi fac cuncti oculos, mori
Claudent serò volentibus.*





